

Dei, patrem hominum esse! quanta hominum gloria, Dei filios Dei esse et haeredes! Nam si filii, et haereditas. Sic cantabat quem nos lugemus: in quo et meum, fateor, luctum pene in cantum convertit, dum intentus gloriae ejus, proprie fere miseriae obliviscor.

12. Sed revocat me ad me pungens dolor, facile que a sereno illo intuitu, tanquam a levi excitat somno perstringens anxietas. Plangam igitur, sed super me, quia super illum jam vetat ratio. Puto enim, si opportunitas daretur, modo diceret nobis: Nolite flere super me, sed super vos ipso flete. Planxit merito David super parvicia filio (*II Reg. xix, 4*), cui perpetuo sciret obstructum exitum de ventre mortis mole criminis. Merito super Saul et super Jonatham (*II Reg. i, 17*); quibus æque **1359** absorptis semel, emersio jam non speratur (*184*). Et quidem resurgent, sed non ad vitam; imo ad vitam, ut vivi in morte infelici moriantur. Quanquam de Jcnatha possit non immerito haerere sententia (*185*). At mihi etsi non ista suppetit plangendi ratio, non tamen nulla. Plango primum super mea ipsius plaga, atque hujus jactura domus; plango deinde super pauperem necessitatibus, quorum Girardus pater erat; plango certe et super universo statu nostri ordinis nostræque professionis, qui de tuo, Girarde, zelo, consilio et exemplo robur non mediocre capiebat; plango postremo, etsi non super te, propter te tamen. Hinc prorsus, hinc afficiar graviter, quia vehementer amo. Et nemo mihi molestus sit, dicens non debere sic affici; cum benignus Samuel super reprobo rege (*I Reg. xvi, 4*), et pius David super parvicia filio satisfecerint affectioni, et non ad injuriam fidei, non in superni, suggillationem judicii. *Absalon fili mi*, ait sanctus David, *fili mi Absalon* (*II Reg. xviii, 33*): et ecce plus quam Absalon hic. Salvator quoque videns civitatem Jerusalem, ut prævidens ruituram, *flevit super eam* (*Luc. xix, 41*). Et ego propriam, et quæ in præsenti est desolationem non sentiam? Plagam meam recentem, et gravem non doleam? Ille flevit compatiendo, et ego patiendo non audeam? Et certe ad tumulum Lazari nec flentes arguit, nec a fletu prohibuit, insuper et flevit cum flentibus: *Et lacrymatus est*, inquit, *Jesus (Joan. xi, 35)*. Fuerunt lacrymæ illæ testes profecto naturæ, non indices diffidentiæ. Denique et prodiit mox ad vocem ejus qui erat mortuus, ne continuo putes fidei præjudicium dolentis affectum.

13. Sic nec fletus utique noster infidelitatis est signum, sed conditionis indicium; nec quia percussus ploro, arguo ferientem, sed provoco pietatem, seve-

(184) Ita omnes scripti cum primis editis: recentiores, sperabatur.

(185) Videtur dubitare Bernardus de salute Jonathæ. Sed alii Patres et interpres eum celo asserunt. Vide apud Rangolium in caput xxxi lib. I Reg. y 2; Salianum ad annum mundi 2979, num. 435; Abulens, in cap. cit. Mors autem ejus infelix cum

parente Saule non debet quemquam movere. Impii quoquaque modo discedant, male moriuntur. Pü bene et feliciter occumbunt, quoquaque mortis genere defungantur.

(186) Viterbiæ in Italia Bernardus duplum moram fecit: primam, anno 1133, teste epistola 151; alteram, anno 1137 eujus hic mentio.

Aritatem flectere satago. Unde et verba mea dolore sunt plena, non tamen et murmur. Nunquid non plenum justitiae protuli, quod unius sententiae complemento et punitus est qui debuit, et coronatus qui meruit? Et adhuc dico: Bene utrumque fecit dulcis et rectus Dominus. Misericordiam et judicium cantabo tibi, Domine. Cantet tibi misericordia, quam fecisti cum servo tuo Girardo; cantet et judicium, quod nos portamus. In altero bonus, in altero justus laudaberis. An solius laus bonitatis? Est et justitia. *Justus es, Domine, et rectum judicium tuum* (*Psal. cxviii, 137*). Girardum tu dedisti, Girardum tu absutulisti: et si dolemus ablatum, non tamen oblisci- mur quod datus fuit, et gratias agimus quod habere illum meruimus, quo carere in tantum non volumus, in quantum non expedit.

14. Recordor, Domine, pacti mei et miserationis tuæ, ut magis justificeris in sermonibus tuis, et vincas cum judicaris. Cum pro causa Ecclesiæ anno præterito Viterbiæ essemus (*186*), ægrotavit ille, et invalescente languore, cum jam proxima videretur vocatio, ego ægerrime ferens comitem peregrinatio- nis, et illum comitem in terra relinquere aliena, nec resignare his qui mihi eum commiserant, quoniam amabatur ab omnibus, sicut erat amabilis valde; conversus ad orationem cum fletu et gemitu: Exspecta, inquam, Domine, usque ad redditum. Resti- tutum amicis tolle jam eum, si vis, et non causabor. Exaudisti me, Deus: convaluit, opus perfecimus quod injunxeras, redivimus cum exultatione repor- tantes manipulos pacis. Porro ego oblitus pene sum meæ conventionis, sed non tu. Pudet singultum horum, qui prævaricationis me arguant. Quid plura? Reperiisti commendatum, recepisti tuum. Finem verborum indicunt lacrymæ; tu illis, Domine, finem modum indexeris.

1360 SERMO XXVII.

De ornatu sponsæ, et qualiter anima sancta in cœlum dicatur.

1. Quia debitis humanitatis officiis amicum revertentem in patriam prosecuti sumus, redeo, fratres, ad propositum ædificandi quod intermisseram. Incongruum namque est diu ftere lætantem; et sedenti ad epulas lacrymas multas ingerere, importunum. **D**Sed et si nostras defleamus ærumnas, ne id quidem oportet nimis, ne non tam amasse illum, quam nostra quæsisse de illo commoda videamur. Temperet sane dilecti gaudium moestitiam desolatorum; et tolerabilius fiat nobis quod nobiscum non est, quia cum Deo est. Fretus ergo orationibus vestris, volo in lucem, si possum, prodere quidquid illud est, quod opertum illis pellibus sentio, quæ in exemplum

decoris sponsæ productæ sunt. Hoc, si recolitis [alias, sicut recolitis], tactum fuit, sed indiscutsum remansit: porro discussum et declaratum, quomodo nigra sit sicut tabernacula Cedar. Quomodo ergo sicut pelles Salomonis formosa (*Cant. i, 4*), quasi vero Salomon in omni gloria sua quidquam habuerit condignum decorे sponsæ, et gloria ornatus ejus? Et quidem si non ad decorum sponsæ, sed ad nigredinem potius nescio quas pelles istas, sicut et tabernacula Cedar respicere diceremus, fortassis competet, nec decesset unde id congruere monstraremus, sicut et monstrabimus. At vero si sponsæ claritati quarumcunque decorum pellium comparandum putamus, hic prorsus opus nobis est ejus ad quem pulsatis auxilio, quatenuis mysterium hoc digne aperire possimus. Quid namque eorum quæ in facie lucent, si internæ cujuspian sanctæ animæ pulchritudini comparetur, non vile ac foedum recto appareat æstimatori? Quid, inquam, tale in se ostendit ea quæ præterit figura hujus mundi, quod æquare speciem animæ possit illius, quæ exuta terreni hominis vetustatem, ejus qui de cœlo est, decorum induit, ornata optimis moribus pro monilibus, ipso purior sicut et excelsior æthere, sole splendidior? Noli ergo respicere ad istum Salomonem, cum indagare cupis cuiusmodi se pellibus similem in decore sponsa glorietur.

2. Quid est ergo quod dicit: *Formosa sum sicut pelles Salomonis?* Magnum et mirabile quiddam, ut ego æstimo: si tamen non hunc, sed illum hic attendamus, de quo dicitur: *Ecce plus quam Salomon hic* (*Matth. xii, 42*). Nam usque adeo is meus Salomon est, ut non modo *pacificus* (quod quidem Salomon interpretatur), sed et *pax ipsa* vocetur, Paulo perhibente quia *ipse est pax nostra* (*Ephes. ii, 14*). Apud istum Salomonem non dubito posse inveniri quod decori sponsæ omnino comparare non dubitem. Et præsertim de pellibus ejus adverte in Psalmo: *Extendens, ait, cœlum sicut pellem* (*Psal. ci, 2*). Non ille profecto Salomon, etsi multum sapiens, multumque potens, extendit cœlum sicut pellem; sed is potius qui non tam sapiens quam ipsa Sapientia est, ipse prorsus extendit et condidit. Istius siquidem, et non illius illa vox est: *Quando preparabat cœlos*, haud dubium quin Deus Pater, *ego aderam*. Aderat sine dubio præparanti cœlos sua virtus, suaque sapientia. Nec putas astitisse otiosam, et quasi ad spectandum solummodo, quia dixit, *aderam*, non etiam, præparabam. Respic paulisper inferius, et invenies aperte subjungentem, quia *eram cum eo componens omnia* (*Prov. viii, 27-30*). Denique ait: *Quæcumque enim Pater facit, hæc et Filius simili- ter facit* (*Joan. v, 19*). Et ipse itaque extendit cœlum sicut pellem. Pulcherrima pellis, quæ in modum magni cujusdam tentorii universam operiens faciem terræ, solis, lunaæ atque stellarum varietate tam

Dnis gratiae inveniatur.

4. Cæterum spirituali huic tam pulchrae varietati, quam de prima interim stola in quadam veste sua sanctificationis accepit, nullo pacio ego comparavem in decore cœlum hoc visible atque corporeum, quamvis in suo genere quidem siderea varietate pulcherrimum. Sed est cœlum cœli, de quo Propheta: *Psallite*, inquit, *Domino, qui ascendit super cœlum cœli ad orientem* (*Psal. lxvii, 33, 34*). Et hoc cœlum intellectuale ac spirituale: et qui fecit cœlos in intellectu (*Psal. cxxxv, 5*), creavit illud et statuit in sempiternum, ipsumque inhabitat. Ne vero putes sponsæ devotionem citra illud remanere cœlum, in quo scit habitare dilectum: ubi enim thesaurus ejus, ibi et cor ejus (*Matth. vi, 21*). *Emu-*

E (187) Addit Horstius, qualem quidem ex parte descripsimus: quæ desiderantur in primis editis et in omnibus nostris manuscriptis.

latur sane assistentes vultui ad quem suspirat, et quibus se interim non valet videndo associare, studet conformare vivendo, moribus magis, quam vocibus clamans: *Domine, dilexi decorum domus tuæ, et locum habitationis gloriae tuæ* (Psalm. xxv, 8).

5. Prorsus de hoc celo minime sibi indignum ducit ducere similitudinem. Hoc extentum sicut pelvis, non spatiis tamen locorum, sed affectibus animorum; hoc miris variisque artificis distinctum operibus. Divisiones autem sunt, non colorum (188), sed beatitudinum. Nam alios quidem posuit angelos; alios, autem, archangeli; alios vero, virtutes; alios dominationes; alios, principatus; alios, potestates; alios, thronos; alios cherubim, atque alios seraphim. Sic stellatum cœlum hoc; sic depicta hæc pelvis. Hæc una de pellibus mei Salomonis, et hæc præcipua in omni ornata multiformis gloriae ejus. Habet autem grandis ista pelvis quamplurimas in se æque Salomonis pelles, quoniam unusquisque beatus et sanctus, qui ibi est, pelvis est utique Salomonis. Benigni siquidem sunt atque extenti in charitate, pertingentes usque ad nos, quibus gloriam, quam habent, 1362 non invidunt, sed optant; ita ut ex ipsis hujus rei gratia demorari apud nos non gravenatur, seduli circa nos, et curam gerentes nostri, omnes administratorii spiritus, missi in ministerium propter eos qui hæreditatem capiunt salutis (Hebrei. i, 14). Quamobrem sicut cœlum cœli singulariter dicitur universa illa multitudo collecta beatorum; sic et cœli cœlorum propter singulos, qui utique cœli sunt, nominantur, et ad singulos spectat quod dicitur: *Extendens cœlum sicut pellem* (Psal. ciii, 2). Videtis, credo, quænam illæ pelles, et cujus sint Salomonis, de quarum sponsa similitudine gloriatur.

6. Nunc jam intueamini ejus gloriam, quæ et cœlo se comparat, et illi cœlo, quod tanto est gloriōsus, quanto divinus. Nec immerito usurpat inde similitudinem, unde originem dicit (189). Nam si propter corpus, quod de terra habet, tabernaculis Cedar se assimilat, cur non et propter animam, quæ de cœlo est, cœlo æque similem se esse glorietur, præsentim cum vita testetur originem, testetur naturæ dignitatem et patriæ? Unum Deum adorat et colit, quo modo angeli, Christum super omnia amat, quo modo

(188) Omnes scripti nostri habent colorum, præter unum Gematicensem, qui, locorum; editi, cœlorum.

(189) Berengarius Abelardi discipulus in Apologetico, quod pro suo præceptore edidit contra Senone concilium ipsumque Bernardum, ita in haec verba cavillatur, quasi S. doctor senserit animas creari in cœlo, et postea in corpora infundi. Sic enim viro sanctissimo impudenter insultat: « Errasti vere, » inquit, « dum originem animarum e cœlo asseruisti esse. Quod qualiter in libro astruas, quoniam utile et facile est cognitu, sagaci lectori ab altiori cardine retexam. Est liber quem hebreus Firasirim (Schirhaschirim), latinus nominat Canticum cantorum, cuius littera vigilantibus animis divinae ejusdam intelligentie sudat arcanum. » Et infra: « Hæc verba tua subtiliter explorata Christianæ

Angeli, casta est, quo modo angeli, idque in carne peccati et fragili corpore, quod non angeli, querit postremo, et sapit quæ apud illos sunt, non quæ super terram. Quod evidenter cœlestis insigne originis, quam ingenitam, et in regione dissimilitudinis, retinere similitudinem, gloriam vitæ cœlibis in terra, et ab exsule, usurpari, in corpore denique pene bestiali vivere angelum? Cœlestis sunt ista potentiae, non terrene, et quod vere de cœlo sit anima que hæc potest, aperte indicant. Audi tamen apertius: *Vidi, inquit, civitatem sanctam Jerusalem novam, descendente de cœlo, a Deo paratam, tanquam sponsam ornatam viro suo*; et addidit: *Et audivi vocem magnam de throno dicentem: Ecce tabernaculum Dei cum hominibus, et habitabit cum eis* (Apoc. xxi, 2, 3). Ad quid? Credo ut sibi acquirat sponsam de hominibus. Mira res! Ad sponsam veniebat, et absque sponsa non veniebat. Quarebat sponsam, et sponsa cum ipso erat. An duæ erant? Absit! Una est enim, ait, columba mea. Sed sicut de diversis ovium gregibus unum facere voluit, ut sit unum ovile, et unus pastor (Joan. x, 16), ita cum haberet sponsam inhærentem sibi a principio multitudinem angelorum, placuit ei et de hominibus convocare Ecclesiam, atque unire illi quæ de cœlo est, ut sit una sponsa, et sponsus unus. Ergo ex adiecta ista, perfecta est illa, non duplicita, et agnoscit de se dictum: *Una est perfecta mea* (Cant. vi, 8). Porro una conformitas facit, nunc quidem in simili devotione, postea vero et in pari gloria.

C 7. Habes itaque utrumque de cœlo, et sponsum, scilicet Jesum, et sponsam, Jerusalem. Et ille quidem ut videretur, semetipsum exinanivit formam servi accipiens, in similitudinem hominum factus, et habitu inventus ut homo (Philipp. ii, 7). At illam in quanam, putamus, forma seu specie, aut in quo habitu videlicet descendente vidit ille qui vidit? An forte in frequentia angelorum, quos vidit descendentes et ascendentibus super Filium hominis? (Joan. i, 51.) Sed melius dicimus quod sponsam tunc videbit, cum Verbum in carne vidi, agnoscens duos in carne una. Dum enim sanctus ille Emmanuel terris intulit magisterium disciplinæ cœlestis, dum supernæ illius Jerusalem, quæ est mater nostra, visibilis quedam imago et species decoris ejus per ipsum

D mentis palato hæresim sapiunt. Si enim idcirco animæ originem de cœlo adstruis, quia quandoque beata futura est in cœlis, eadem ratione corporis origo erit in cœlis, quia quandoque beatum futurum est in cœlis. Aut si ideo animæ originem cœlestem adscribis, quia olim orta, in est facta, sit in cœlis (quod quidem verborum talium resultat intentio), pravitatem Origenis incurrit. Ita temerarius ille Apologista. Verum quidni anima dicatur cœlestis, cum Patrem habeat cœlestem, ejus conversatio in cœlis esse debeat, ejus patria in cœlo sit, quemadmodum ejus substantia omnia terrena transcendit? Unde S. Augustinus lib. ii contra Julianum: « Cum corpus e terra, et spiritum possideamus e cœlo, ipsi terra et cœlum sumus. » Sed apage putidum illum calumniatorem Berengarium.

nobis et in ipso expressa innotuit: quid nisi in A est, hoc necessitatis. Ergo virtus est sidus, et homo virtutum, cœlum. Nisi quis forte cum Deum, per prophetam dixisse legit: *Cœlum mihi sedes est* (Isa. lxxvi, 1); cœlum hoc volubile visibleque intelligendum existimet, et non potius illud, de quo alibi apertius Scriptura commemorat; *Anima, inquiens, iusti sedes est sapientia* (190). Qui autem ex doctrina Salvatoris sapit spiritum esse Deum, atque in spiritu adorandum (Joan. iv, 24); etiam sedem ei non ambigit assignare spiritualem. Ego vero fidenter id fecerim, non minus in hominis justi, quam in angelico spiritu. Confirmat me in hoc sensu maxime illa fidelis promissio: *Ego et Pater, ait Filius, ad eum, id est ad sanctum hominem, veniamus et mansionem apud eum faciemus* (Joan. xiv, 23). Prophetam quoque non de alio dixisse cœlo arbitror: *Tu autem in sancto habitat, laus Israel* (Psal. xxi, 4). Manifeste autem Apostolus dicit habitare Christum per fidem in cordibus nostris (Ephes. iii, 17).

B 9. Nec mirum, si libenter inhabitat cœlum hoc Dominus Jesus, quod utique, non quomodo cœteros, dixit tantum ut fieret, sed pugnavit ut acquireret, occupavit ut redimeret. Ideo et post laborem voto potitus, ait: *Hæc requies mea in sæculum sæculi, hic habitatbo, quoniam elegi eam* (Psal. cxxxii, 14). Et beata cui dicitur: *Veni, electa mea, et ponam in te thronum meum. Quid tu tristis est nunc, o anima mea, et quare conturbas me? Putasne et tu penes te invenias locum Domino?* Et quis nobis locus in nobis huic idoneus gloriae, sufficiens majestat? Utinam vel merear adorare in loco ubi steterunt pedes ejus. Quis dabit mihi saltem vestigis adhærere sanctæ cujuspiam animæ, quam elegit in habitationem sibi? Tamen, si dignetur infundere et meam animam unctione misericordia suæ, atque ita extendere sicut pellem, quæ utique cum ungitur dilatatur, quatenus et ego dicere valeam: *Viam 1364 mandatorum tuorum cucurri, cum dilatasti cor meum* (Psal. cxvii 32); potero etiam ipse fortassis ostendere in me ipso, etsi non cœnaculum grande stratum, ubi possit recumbere cum discipulis suis; attamen ubi saltem reclinet caput. A longe suspicio illos certe beatos, de quibus dicitur: *Et inhabitabo in eis, et deambulo in illis* (II Cor. vi, 16).

C 10. O quanta illi animæ latitudo, quanta et meritorum regnum cœlorum dicitur. Quia enim per prophetam Dominus dicit, *Cœlum mihi sedes est*; et Salomon ait, *Anima justi sedes sapientia*, etc. Ecce Salomon sententia tribuit: et quidem ad marginem notatur, *Sapientia*, cap. 7. Nempe liber Sapientia a multis veterum Patrum Salomoni attributus est. Ibi vero versus 7 ita lego: *Invocavi, et venit in me spiritus sapientia*. Ex quibus verbis citata et celebris apud Patres sententia formata videri possit. Conjecturam probabit lector, donec invenerit meliorem. Porro observet idem, multas Scripturæ sententias apud Patres citari, juxta translationem LXX Interpretum, quarum plures passim in Operibus Bernardi notavimus. Verum id de præsenti loco non accipendum, cum Graece primum scriptus sit liber Sapientia, aut certe Hebraicus ejus textus non extet. Quidam huc accesserunt Prov. xii, 28, *In semita justitiae vita*.

torum prærogativa, quæ divinam in se præsentiam, et digna inventur suscipere, et sufficiens capere! Quid illa, cui et spatiosa [alias, spatia] suppetunt deambulatoria, ad opus quidem majestatis? Non est profecto intricata forensibus causis curvis sacerdibus, nec certe ventri et luxuriae dedita; sed nec curiosa spectandi, seu cupida omnino dominandi, vel etiam tumida dominatu. Oportet namque primo quidem his omnibus vacuam esse animam, ut cœlum fiat atque habitatio Dei. Alioquin quomodo poterit vacare, et videre quoniam ipse est Deus? Sed et odio sive invidiæ aut rancori minime prorsus indulgendum, quoniam in malevolam animam non introibit sapientia (Sap. 1, 4). Deinde necesse est eam crescere ac dilatari, ut sit capax Dei. Porro latitudo ejus, dilectio ejus, sicut dicit Apostolus: *Dilatamini in charitate* (II Cor. vi, 13). Nam etsianima minime, cum sit spiritus, quantitatem corpoream recipit; tamen confert illi gratia quod negatum est a natura. Crescit quidem et extenditur, sed spiritualiter; crescit non in substantia, sed in virtute; crescit et in gloria; crescit etiam in templum sanctum in Domino; crescit denique et proficit in virum perfectum, in mensuram ætatis plenitudinis Christi (Ephes. iv, 13). Ergo quantitas cujusque anime aestimetur de mensura charitatis quam habet, ut verbi gratia, quæ multum habet charitatis, magna sit; quæ parum, parva; quæ vero nihil, nihil, dicente Paulo; *Si charitatem non habuero, nihil sum* (ICor. XIII, 3): Quod si quantulamcumque habere cœperit, ut saltem diligentes se diligere curet, ac salutare vel fratres suos, et eos qui se salutant: jam nonnihil quidem illam animam dixerim, quæ in ratione dati et accepti socialem saltem retinet charitatem. Verumtamen juxta sermonem Domini, quid amplius facit? (Matth. v, 47.) Nec amplam proinde, nec magnam, sed plane angustam modicamque censuerim animam, quam adeo modicae charitatis esse cognoverim.

1. At si grandescat et proficiat, ita ut transiens limitem angusti obnoxiique amoris hujus, latos fines bonitatis gratuitæ tota libertate spiritus apprehendat, quatenus largo quodam gremio bone voluntatis ad omnem seipsam curet extendere proximum, diligendo unumquemque tanquam seipsam; nunquid jam illi recte dicetur: Quid amplius facis? quippe quæ seipsam tam amplam facit. Amplum, inquam, gerit charitatis sinum, qua complectitur universos, etiam quibus nulla se novit carnis necessitudine junctam nulla spe percipiendi commodi cujusquam illegetam, nulla percepti redhibitione obnoxiam, nullo denique omnino astrictam debito, nisi illo sane, de quo dicitur: *Nemini quidquam debeatis, nisi ut invicem diligatis* (Rom. XIII, 8). Verum si adjicias etiam usquequa vim facere regno charitatis, ut usque ad ultimos ius terminos occupare illud pius invasor prævaleas, dum ne inimicis quidem claudenda viscera pietatis existimes; benefacias his quoque qui te oderunt, ores et pro consequentibus ac calumianibus te. nec non et cam his qui oderunt pacem

A esse pacificus studeas: tunc prorsus latitudo cœli, latitudo tuæ animæ; et altitudo non dispar, sed nec dissimilis pulchritudo; impleturque tunc demum in ea quod dicitur: *Extendens cœlum sicut pelle* (Psalm. cm, 2): in quo jam miræ latitudinis, altitudinis, ac pulchritudinis cœlo summus et immensus atque gloriosus, non modo dignanter habitat, sed et spatiose deambulat.

1365 12. Videsne quales in se habeat Ecclesia celos, cum sit nihilominus ipsa, in sua quidem universitate, ingens quoddam cœlum, extentum a mari usque ad mare, et a flumine usque ad terminos orbis terrarum? Vide etiam consequenter, cui et in hoc ipso assimiles eam, si tamen non tibi excidit illud quod paulo ante memoratum est hujus rei exemplar, de cœlo videlicet cœli, et cœlis cœlorum (Supra num. 9). Ergo exemplo illius quæ sursum est mater nostra, hæc quoque quæ adhuc peregrinatur, habet celos suos, homines spirituales, vita et opinione conspicuos, fide puros, spe firmos, latos charitate, contemplatione suspensos. Et hi pluentes pluviam verbi salutarem, tonant increpationibus, coruscant miraculis. Hi enarrant gloriam Dei, hi extenti sicut pelles super omnem terram, legem vite et disciplinæ digito quidem Dei scriptam in semetipsis ostendunt, ad dandam scientiam salutis plebi ejus: ostendunt et Evangelium pacis, quoniam Salomonis sunt pelles.

C 13. Agnosce jam in his pellibus supernarum illarum imaginem, quæ in sponsi ornato non longe superioris describebantur (Supra num. 3). Agnosce similiter et reginam astantem a dextris ejus, circumactam similibus ornamentis, non tamen paribus (Psalm. XLIV, 10). Nam etsi huic etiam in loco peregrinationis sue, et in die virtutis sua, in splendoribus sanctorum, non minima claritatis atque decoris est portio; differenter tamen illum coronat integritas et consummatio gloriæ beatorum. Quanquam et sponsa dixerim perfectam atque beatam, sed ex parte. Nam ex parte tabernaculum Cedar; formosa tamen, sive in illa portione sui, quæ jam beata regnat; sive etiam in illustribus viris, quorum, etiam in hac nocte, sua sapientia atque virtutibus, tanquam cœlum suis sideribus, adornatur. Unde propheta: *Qui docti, inquit, fuerint, fulgebunt quasi splendor firmamenti; et qui ad justitiam erudiant multos, quasi stellæ in perpetuas aëternitates* (Dan. XII, 3).

D 14. O humilitas! o sublimitas! Et tabernaculum Cedar, et sanctuarium Dei; et terrenum habitaculum, et cœleste palatium; et domus lutea, et aula regia; et corpus mortis, et templum lucis; et despicio denique superbis, et sponsa Christi. Nigra est, sed formosa, filia Jerusalem: quam etsi labor et dolor longi exsili decolorat, species tamen celestis exornat, exornant pelles Salomonis. Si horretis nigram, miremini et formosam; si despiciatis humilem, sublimem suspicite. Hoc ipsum quam caustum, quam plenum consilio, plenum discretionis et

congruentia est, quod in sponsa dejectio ista, et ista celsitudo, secundum tempus quidem, eo moderamine sibi pariter contemporantur, ut inter mundi hujus varietates et sublimitas erigat humilem, ne deficiat in adversis; et sublimem humilitas reprimat, ne evanescat in prosperis? Pulchre omnino ambæ res, cum ad invicem contrariae sint, sponsæ tamen pariter cooperantur in bonum, subserviunt in salutem.

B 15. Et hæc pro eo quod sponsa videtur de pellibus Salomonis inducere similitudinem. Restat tamen aperiendus ille super eodem capitulo sensus, quem in principio commemoravi et promisi, qualiter videlicet tota ad solam nigredinem similitudo referatur: qua quidem non estis promissione fraudandi. Cæterum id differendum in aliud sermonis principium; tum quia hoc jam hujus flagitat longitudine; tum etiam ut præveniat ex more oratio ea, quæ in laudem et gloriam sunt referenda sponsi Ecclesiæ Iesu Christi Domini nostri, qui est Deus benedictus in sæcula sæculorum. Amen.

1366 SERMO XXVIII.

De nigredine et formositate sponsi, et quomodo auditus potius quam visus valeat in rebus fidei, et ad notitiam veritatis.

1. Tenetis, credo, cujus et quibus Salomonis pellibus decorum sponsæ sentiam comparatum, si tamen ad ostensionem commendationemque referatur decoris data ex his similitudo. At si ad nigredinem magis referenda putetur, sicut et illa de tabernaculis Cedar: non equidem aliunde occurrit mihi quidquam de hujusmodi pellibus Salomonis, nisi quas forte rex in usum tabernaculi soleret assumere, si quando in tentoriis habitare liberet; quas utique, si quæ tamen fuerunt, obscuras sine dubio et tetras esse necesse fuit, tanquam quæ quotidiano forent expositæ soli, et frequentium injurias pluviarum. Neque id frustra (191), sed ut is qui intus repositus erat ornatus, nitidior servaretur. Hoc exemplo sponsa non negat nigredinem, sed excusat; nec probro dicit qualecumque habitum, quem charitas formet, judicium veritatis non improbet. Denique quis infirmatur, cum quo non infirmetur? quis scandalizatur, et non uritur? (II Cor. XI, 29.) Induit se compassionis nævum, ut morbum in altero passionis levet, vel sanet; nigrescit candoris zelo, lucro pulchritudinis.

D 2. Multos candidos facit unius denigratio, non cum tingitur culpa, sed cum cura afficitur. *Expedit, inquit, ut unus moriatur homo pro populo, et non tota gens pereat* (Joan. XI, 50): expedit ut unus pro omnibus denigretur similitudine carnis peccati, et non tota gens nigredine condemnetur peccati: splendor et figura substantiae Dei obnubiletur in forma servi pro vita servi: candor vitae aeternæ nigrascat in carne, pro carne purganda: speciosus

(191) Aliter habent tres scripti post putetur: *reducendæ ad memoriam illæ, quibus olim Salomon tabernaculum operuit. Erant procul dubio nigrae, quoti-*

A forma præ filii hominum, pro filiis hominum illuminandis obscuretur in passione, turpetur in cruce, paleat in morte: ex toto non sit ei species neque decor, ut sibi speciosam atque decoram acquirat sponsam Ecclesiam sine macula et sine ruga. Agnosco pellem Salomonis, imo ipsum in pelle nigra Salomonem amplector. Habet et Salomon nigredinem, sed in pelle; foris niger, in cute niger, non intus: alioquin omnis gloria ejus filia regis ab intus (Psalm. XLIV, 3, 14). Intus divinitatis candor, decor virtutum, splendor gloriae [alias, gratiæ], innocentia puritas: sed legit hæc despicabilior infirmitatis color; et quasi absconditus vultus ejus et despectus, dum tentatur per omnia pro similitudine absque peccato. Agnosco denigratæ formam naturæ; agnosco tunicas illas pelliceas, protoplastorum peccatum habitum (Gen. III, 21). Denique semetipsum denigravit formam servi accipiens, in similitudinem hominum factus, et habitu inventus ut homo (Philip. II, 7). Agnosco sub pelle hædi, qui peccatum significat, et manum quæ peccatum non fecit, et collum per quod mali cogitatio non transivit; ideoque non est inventus dolus in ore ejus (Isa. LIII, 9). Novi quod sis lenis natura, mitis et humili corde, blandus aspectu, suavis spiritu, et quidem unctus oleo lætitiae præ consortibus tuis (Psalm. XLIV, 8). Unde ergo nunc ad instar Esau pilosus et hispidus? Cujusnam rugosa et tetra imago hæc, et unde hi pilii? Mei sunt: nam pilosæ manus similitudinem exprimunt peccatoris. Meos agnosco hos pilos; et in pelle mea video Deum Salvatorem meum.

3. Non tamen Rebecca sic illum induit, sed Maria; tanto dignorem qui benedictionem accipere, quanto sanctior quæ peperit. Et bene in meo habitu; quia mihi benedictio vindicatur, mihi postulatur hæreditas. Siquidem audierat: *Postula a me, et dabo tibi gentes hæreditatem tuam, et possessionem tuam terminos terræ* (Psalm. II, 8). Tuam, inquit, hæreditatem, tuamque possessionem dabo tibi. Quomodo dabis ei, si sua est? Et quomodo suam mones ut postule? aut quomodo sua, si necesse habet ut postule? Mihi proinde postulat, qui **1367** meam ad hoc induit formam, ut suscipiat causam. Quippe disciplina pacis nostræ super eum, dicente propheta, et Dominus in eo posuit iniquitatem omnium nostrum (Isa. LIII, 5, 6): unde debuit fratribus per omnia similari, sicut ait Apostolus, ut misericors fieret (Heb. II, 17). Propterea vox quidem, vox Jacob est manus autem, manus sunt Esau (Gen. XXVII, 22). Suum est quod auditur ex eo: quod in eo videtur, nostrum. Quod loquitur, spiritus et vita est: quod appetit, mortale et mors. Aliud cernitur, et aliud creditur. Nigrum sensus renuntiat, fides candidum et formosum probat. Niger est, sed oculis insipientium: nam fidelium mentibus formosus valde: niger est, sed formosus: niger reputatione Herodis, diano expositæ soli, quotidianarum injuriis pluviarum. Neque id frustra, etc.